



O'ZBEKISTON O'VOZI

2016-yil, 1-mart. Seshanba • 26 (32.085)

Ijtimoiy-siyosiy gazeta

1918-yil 21-iyundan chiqq boshlagan

www.uzbekistonovozi.uz

2016 йил — соғлом она ва бола йили

ҲАР БИР ИНСОН МЕҲР-ЭЪТИБОРДА

ЎЗБЕКИСТОН СОҒЛИҚНИ САҚЛАШ
ВАЗИРЛИГИ ТАШАББУСИ БИЛАН
МАМЛАКАТИМИЗ БЎЙЛАБ «ҲЕЧ КИМ
МЕҲР-ЭЪТИБОРДАН ЧЕТДА
ҚОЛМАСИН» ШИОРИ ОСТИДА
НАВБАТДАГИ ТИББИЙ-ИЖТИМОЙ
АКЦИЯ ЎТКАЗИЛМОҚДА.

Тошкент вилояти Ўрта Чирчиқ тумани кўп тармоқли марказий поликлиникасида ташкил этилган тиббий кўрикда Республика ихтисослаштирилган хирургия, кўз микрохирургияси марказлари, Тошкент педиатрия тиббиёт институти, Травматология ва ортопедия илмий-текшириш институти, Республика перинатал, алергология марказлари ва вилоятдаги шифохоналарнинг олимлари ва малакали шифокорлар иштирок этмоқда.

Ўрта Чирчиқ туманида тиббий хизмат кўрсатиш бўйича замонавий инфратузилма яратилган. Туман тиббиёт бирлашмасининг моддий-техник базаси йилдан-йилга такомиллашмоқда. Туман кўп тармоқли марказий поликлиникаси ва йигирмата қишлоқ врачлик пункти

замонавий тиббий ускуналар билан жиҳозланган.

Акция доирасида яқинда реконструкция қилинган туман тиббиёт бирлашмасига қарашли туғуруқ бўлимининг очилиши бўлиб ўтди. Мажмуада туғуруқ жараёнини замонавий тамойиллар асосида ташкил этиш учун барча шароит яратилган. Туғуруқ заллари ва интенсив терапия хоналари энг сўнгги русумдаги тиббий технологиялар билан таъминланган.

Тиббий-ижтимоий акцияда «Дори-дармон» акциядорлик компанияси ҳам фаол иштирок этмоқда. Дори-дармон савдоси билан бир қаторда диспансер назоратида турувчи беморлар, ёлғиз кексаларга бепул дори-дармон берилди.

Баҳор ХИДИРОВА,
ЎЗА мухбири.



ЎЗА олган сурат.



БУГУН
ОНА
ЮРТДА...

Иш берувчи битирувчилар хузурида

Тошкент ахборот технологиялари университети Самарқанд филиалида вилоятдаги ахборот технологиялари ва коммуникациялари йўналишидаги таълим муассасалари битирувчилари учун бўш иш ўринлари ярмаркаси ўтказилди. Бу ҳақда вилоят ҳокимлиги расмий сайти хабар бермоқда.

Бугунги кунда ТАТУ Самарқанд филиали ҳамда етти таълим-ҳунар коллежидан ушбу йўналиш бўйича мутахассис-кадрлар тайёрланмоқда. Уларда тахсил олаётган ёшлар ўқиш давридаёқ Ахборот технологиялари ва коммуникацияларини ривожлантириш вазирлиги тизимидаги корхона ва ташкилотларда амалиёт ўтаб, касб кўникмасига эга бўлмоқда.

Тадбирда битирувчилар тақлиф этилаётган иш ўринлари, корхоналар фаолияти билан яқиндан танишдилар. Ўзларини қизиқтирган саволларга жавоб олишди. Иш берувчилар уларга тавсия ва маслаҳатлар беришди.

Меҳнат ярмаркаси давомида иш берувчи ва битирувчилар ўртасида шартномалар имзоланди.

Ижтимоий шериклик

Қашқадарё вилоят ҳокимлигида бўлиб ўтган матбуот анжуманида вилоят ҳокимининг ўринбосари Баҳодир Қодиров журналистларнинг жамоат ва диний ташкилотлар фаолияти, ижтимоий шериклик масалаларига оид саволларига жавоб қайтарди.

Бугунги кунда вилоятда мажбурий 661 нодавлат нотижорат ва 184 диний ташкилот фаолиятига алоҳида эътибор қаратилмоқда. Ўз навбатида, нодавлат нотижорат ташкилотлар ва фуқаролик жамиятининг бошқа институтлари ҳам аҳолининг ҳуқуқ ва манфаатларини ҳимоя қилиш, спорт билан мунтазам шугулланишни таъминлаш, соғлиқни мустаҳкамлаш, ёшларнинг маънавий дунёсини бойитиш, уларни турли зарарли иллатлардан асраш, бандлигини таъминлаш, меҳнат муҳофазаси ва ижтимоий ҳимоя каби соҳаларда ҳокимият ва бошқарув органларига яқиндан кўмак бериб келмоқда.

Пойтахт бозорлари

янгидан бунёд этилади

Тошкент шаҳар ҳокимлигида журналистлар учун брифинг ташкил этилди. Унда «Тошбозорсавдо» уюшмаси мутасаддилари пойтахт бозорларида жорий йилда олиб бориладиган қурилиш, реконструкция ва таъмирлаш ишлари ҳақида ахборот берди.

Бугунги кунда уюшма тизимида 14 очик акциядорлик ҳамда 7 масъулияти чекланган жамият фаолият юритади ва улар ихтисослашуви бўйича 12 деҳқон, 1 қишлоқ хўжалик маҳсулотлари улгурчи, 2 ихтисослашган бозор ҳамда 6 савдо комплексларида.

Тошкент шаҳар ҳокимлиги матбуот хизмати берган маълумотларга кўра, бозорлар фаолиятини ривожлантириш ва такомиллаштириш, моддий-техник базасини мустаҳкамлаш, сотувчи ва харидорлар учун яратилган шароитларни янада яхшилаш мақсадида сўнгги 7 йил давомида 63,8 миллиард сўмлик қурилиш, қайта-қуриш ва капитал таъмирлаш ишлари амалга оширилди.

Брифингда «Олой» бозоридида бошланган реконструкция ишлари мамлакатимиз Мустақиллигининг 25 йиллик байрами арафасида тўлиқ тугалланиши маълум қилинди.

Самарқанд

Қашқадарё

Тошкент шаҳри

СЕМИНАР

Тошкент архитектура-қурилиш институтида Ўзбекистон Халқ демократик партияси Тошкент шаҳар кенгаши томонидан Соғлом она ва бола йили муносабати билан ўтказилган семинар ана шундай номланди.

ЁШЛАР САЛОМАТЛИГИ ВА НИКОҲ

Унда партиянинг «Истикбол» ёшлар қаноти фаоллари, пойтахтимиздаги ФХДЁ бўлими мудирилари, тиббиёт ходимлари, педагоглар, ўқувчи ва талабалар иштирок этди.

Президентимиз Ислам Каримов раҳнамолигида соғлом ва мустақил фикрга эга, юксак интеллектуал салоҳиятли авлодни вояга етказиш, соғлом оилаларни бунёд этиш, оилавий аъёна ва қадриятларни асраб-авайлаш каби масалаларга алоҳида эътибор қаратилаётди.

Оилалар мустаҳкамлигини таъминлашда ёшлар маънавиятини юксалтириш, эрта ва қариндошлар ўртасидаги никоҳнинг олдини олиш муҳим ўрин тутди. Семинарда аynи жиҳатларга эътибор қаратилди.

— Никоҳни қайд этиш жараёнида ҳар хил феъл-атворли ёшлар билан ишлашга тўғри келади, — дейди Юнусобод тумани 2-«Шодлик» никоҳ уйи мудири Раъно Қорабоева. — Бунда уларнинг ёши, дунёқараши, фикрлашига қараб маслаҳатлар берамиз. Ўқимли, мустақил фикрга эга, бир иш ёки ҳунарнинг бошини тутиб турмуш қуриш учун келган ёшларнинг фикрлаши бошқа тенгдошлариникидан анча фарқ қилади. Улар ҳар томонлама оила қуришга тайёр бўлади.

Семинарда эрта никоҳнинг бўлажак оналар ва келажақ авлод саломатлигига салбий таъсири, юртимизда оила муносабатлари, унинг давлат муҳофазасида экани, оила қуриш ва ажрим масалалари, профилактика қилинмаган турли касалликларнинг оқибатлари ҳусусида фикрлашилди.

Б.МЕЛИКУЛОВА,
ЎЗА мухбири.

САВОЛ ВА ЖАВОБ

— Даволаш профилактика муассасаларидаги овқатланиш ва унга ҳақ тўлаш тартиби меъриий-ҳуқуқий ҳужжатларда қандай белгиланган? Беморларга имтиёзлар яратилганми?

Жамила Давлатова,
Тошкент шаҳри.



Самтор РАҲМАТОВ,
Олий Мажлис Қонунчилик
палатасидаги ЎзХДП
фракцияси аъзоси:

— Жуда ўринли савол. Чунки тиббиёт муассасаларида аynи шу масалада айрим тушунмовчиликлар, беморларнинг ҳуқуқлари бузилган ҳолатлар учраб туради. Вазирлар Маҳкамасининг 2016 йил 5 февралдаги 31-сонли қарори эса масалани тартибга солиди ва беморлар манфаатига хизмат қилди. Эндиликда Соғлиқни сақлаш вазирлиги тизимидаги стационар даволаниш ва профилактика муассасаларида овқатланишни

ташкил қилиш ҳамда унинг учун ҳақ тўлаш тартиби тасдиқланди.

Шуни унутмаслик кераки, ушбу қарор республикамиздаги махсус тиббий ва махсус илмий-амалий тиббиёт марказлари, Соғлиқни сақлаш вазирлиги тизимидаги тиббиёт ташкилотлари, уларнинг бўлинмалари учун амал қилмайди.

Овқатланиш тартиби тўрт маҳал қилиб белгиланган бўлиб, нонушта, тушлик, тушликдан кейинги нонушта ва кечки овқатга бўлинади.

Қарорга мувофиқ, касалхоналарда беморларга нонушта бепул тарқатилади ва харажатлар Давлат бюджетидан маблағи ҳисобидан қoplanadi.

Нонуштадан ташқари овқатланиш учун ҳақ тўлаш бемор, унинг қариндошлари ёки бошқа шахсларнинг, ҳомийларнинг ва қонун ҳужжатларида тақиқланмаган бошқа манбалар ҳисобига амалга оширилиши мумкин. Шунингдек, маълум имтиёзга эга, хусусан, реанимация тadbирлари ва доимий терапия қабул қилган шахслар учун ҳақ тўлашдан озод қилиниш тартиби ҳам белгиланган.

Тиббиёт муассасалари овқат блокларидида ёки тиббиёт муассасалари буортмаларига кўра, овқатлар тайёрлаш бўйича хизматлар кўрсатувчи ташкилотлар томонидан тайёрланган овқатлар қиймати бўйича ҳақ тўланади. Тиббиёт муассасалари билан ихтисослаштирилган ташкилотлар ўртасида тузилган шартномаларда, барча харажатлар ҳисобга олинган ҳолда, сотиш қиймати назарда тутилади.

Ихтисослаштирилган ташкилотлар белгиланган тартибда тиббиёт муассасалари томонидан тендер савдолари ўтказиш йўли билан жалб этилиши мумкин. Бундан ташқари, тиббиёт муассасалари Соғлиқни сақлаш вазирлиги томонидан тартиби аниқланиши керак бўлган шифобахш озик-овқатлар билан таъминланиши керак.

Шуни ҳам айтиш кераки, даволанувчи шахс тиббиёт муассасаси томонидан тавсия этилаётган овқатланишни тўлиқ ёки қисман рад этиши мумкин. Бироқ шифокорнинг парhez кўрсатмасига мос равишда овқатланиши керак.

Бундан ташқари, овқатланиш учун ҳақ тўлаш бемор тиббиёт муассасасига жойлаштирилгунга қадар унинг шифохонада бўлишининг бутун муддати учун тўлиқ ёки қисман амалга оширилади, аммо у ҳисобланган сумманинг 50 фоизидан кам бўлмаслиги керак. Шифохонага ётаётган шахс овқатланиш учун тўланган ҳақни тасдиқловчи ҳужжатни ёки уни рад этиши тўғрисидаги аризани тақдим этиши лозим. Қарорда белгиланишича, кўнлик овқатланиш нархи ҳақидаги маълумот тиббиёт муассасасининг жамоат жойларига қўйилиши зарур.

Пуллик овқатланишдан воз кечган бемор шифохонада бўлишини режалаштирилаётган даври учун олдиндан ҳақ тўлаган ҳолда, ис-талган вақтда буюртма бериши мумкин. Овқатланиш учун олдиндан қисман ҳақ тўланган тақдирда тўлиқ ҳисоб-китоб бемор шифохонадан чиққунгача амалга оширилади. Овқатланиш учун тўланган ҳақнинг фойдаланилмаган қисми миқозга қайтарилиши керак.

ЎзХДП: ТАҲЛИЛ, ТАКЛИФ, МУЛОҲАЗА

ТАШАББУСКОР ДЕПУТАТЛАР

ҳудудлардаги муаммоларни ҳал қилишга эришади

Бугун ҳудудларни ижтимоий-иқтисодий ривожлантиришнинг устувор масалалари юзасидан таклиф ва ташаббуслар билан чиқиш, бу борада депутатлар фаолигини кучайтириш ҳаёт тақозосига айланиб бормоқда.

Депутат аҳоли томонидан давлат ҳокимиятининг олий,

маҳаллий вакиллик органлари-га сайланган вакилдир. Шунинг учун унинг зиммасида сайловчилар манфаатларини ифода этиш вазифаси туради. Депутат қайсидир масалада мутасадди ташкилотларга сўров юбориш, ижро ҳокимияти фаолияти устидан депутатлик назоратини ўрнатиш, аниқланган

масалани халқ депутатлари маҳаллий Кенгаш сессиясида кўриб чиқиш учун тақлиф қилиш ва бошқа ҳуқуқларга эга. Тўғри, берилган ҳуқуқ ва ваколатлар кенг, лекин улардан самарали фойдаланиш ўзига хос мураккаб жараён ҳисобланади.

➤ Давоми 2-бетда.



АҚШ:
Президентликка
номзодлар
сараланмоқда 3

ЎзХДП: ФАКТ ВА
РАҚАМЛАР

2016 йилнинг январь ойида ЎзХДП САМАРҚАНД ВИЛОЯТ, ТУМАН ВА ШАҲАР КЕНГАШЛАРИ ҚОШИДАГИ ЖАМОАТЧИЛИК ҚАБУЛХОНАЛАРИГА 75 МУРОЖААТ БЎЛГАН. УЛАРНИНГ 90 ФОИЗГА ЯҚИНИ ИЖОБИЙ ҲАЛ ЭТИЛДИ.

ХОРАЗМ ВИЛОЯТИ ХОНҚА ТУМАНИ 20-НАМУНА САЙЛОВ ОКРУГИДАН ДЕПУТАТ БЕКЧАНБОЙ МАҲМУДОВНИНГ ДЕПУТАТЛИК СЎРОВИ АСОСИДА «ТУРКИСТОН» МАҲАЛЛАСИ ҲУДУДИДА АВТОБУС БЕКАТИ ҚУРИЛДИ ҲАМДА ЯНГИ ТРАНСФОРМАТОР ЎРНАТИЛДИ.

ТОШЛОҚ ТУМАНИ ТИББИЁТ БИРЛАШМАСИГА ҚАРАшли ҚВПЛАРДА ИШЛАЁТГАН ПАРТИЯ АЪЗОЛАРИ ЎРТАСИДА ЎзХДП «ЁШ СИЁСАТЧИ — 2016» КЎРИК-ТАНЛОВИНИНГ ДАСТЛАБКИ БОСҚИЧИ ЎТКАЗИЛДИ. УНДА 7 НАФАР ЙИГИТ-ҚИЗ ИШТИРОК ЭТДИ.

ЎЗХДП: ТАҲЛИЛ, ТАКЛИФ, МУЛОҲАЗА

ТАШАББУСКОР ДЕПУТАТЛАР

ҳудудлардаги муаммоларни ҳал қилишга эришади

Халқ депутатлари маҳаллий Кенгашларидаги партия гуруҳларининг давлат бошқаруви органлари устидан назоратини, изчил йўлга қўйиш, ҳудудларни ижтимоий-иқтисодий ривожлантириш бўйича аниқ таклиф, муқобил дастурларни илгари суриш борасидаги фаолиятини кучайтириш бугуннинг энг асосий талабларидан биридир.

Хўш, маҳаллий Кенгашларга сайланган партиямиз депутатларининг бугунги фаолияти ҳақида нима дейиш мумкин? Улар одамларни ўйлантириб келаётган муаммоларни ҳал қилиш бўйича депутатлик ваколатидан қай даражада самарали фойдаланяпти?

Ўзбекистон Халқ демократик партияси Марказий Кенгаши бўлим мудир Назира Матёкубованинг айтишича, халқ депутатлари вилоят Кенгашларида 212 нафар, туман ва шаҳар Кенгашларида эса 1652 нафар ЎЗХДПдан сайланган депутат фаолият юритмоқда. Уларнинг вакиллик ҳокимиятида, тегишли ҳудудда ўз ўрни бор. Масалан, вилоят ёки туман миқёсида амалга оширилаётган кўпгина ташаббусларда партиямиз вакиллари ҳиссаси ортиб бормоқда.

Партиянинг 2015-2019 йилларга мўлжалланган Ҳаракат дастурида асосий эътибор аҳолининг ижтимоий ҳимоясини кучайтириш, турмуш фаровонлигини яхшилаш масалаларига қаратилган. Хусусан, унда касб-ҳунар коллежлари битирувчиларини эгаллаган мутахассисликлари

бўйича иш билан банд этиш, аҳолининг кам таъминланган қатлами ва ишга жойлашишда қийинчиликка дуч келаётган инсонлар манфаатларини ҳимоя қилиш, фуқароларимизга мақбул тиббий хизмат кўрсатиш сифатини ошириш ва ижтимоий тенглик тамойилларини янада мустаҳкамлаш билан боғлиқ кенг қўлмалли вазифалар белгиланган.

Ўтган йили халқ депутатлари маҳаллий Кенгашларидаги партиямиз гуруҳлари 167 масалани ўрганиб, сессиялар муҳокамасига киритишган бўлса, шундан 87 таси Ҳаракат дастури асосида ўрганилди.

— Ҳар бир масала сессияга олиб чиқиладиган олдин партия фаоллари ва депутатлар иштирокида кенг муҳокама этилади, — дейди **ЎЗХДП Марказий Кенгаши сектор мудир Ақмал Турсунбоев.** — Ҳар бир депутат ўз ҳудудидаги ижтимоий масалалар юзасидан маълумотлар тўплайди. Шундан сўнг чуқур ўрганилган масалани доимий комиссия ёки сессиялар муҳокамасига олиб чиқади. Масалан, Бухоро вилоятида ЎЗХДП гуруҳлари мактабгача таълим муассасалари фаолиятини танқидий ўрганиб, туман, шаҳар ва вилоят Кенгашлари сессияларида масала киритган эди. Дастлабки уринишлар негадир қутилган самарани бермади. Бу, албатта, депутатларни қониқтирмади. Орадан вақт ўтиб, яна айтиш шунки масала сессияга олиб чиқилди. Натижада сессия қарори асосида хато-камчиликларни бартараф этиш чоралари белгиланди, раҳбар ходимларнинг масъулияти кучайтирилди. Менимча, айрим партия гуруҳлари

■ Бугунги кун талабига жавоб бериш учун депутат ҳар қачонгидан кўпроқ ғайратли бўлиши, ечимини кутаётган масалаларни мунтазам ўрганиб, асосли таклифлар тайёрлаб бориши лозим.

бирор масалани сессияга олиб чиқишдан, бундан муайян натижа бўлмаслигидан чўчишади. Аммо мен бундай фикрга қўшилмайман. Ташаббускор депутат, қатъиятли одам, албатта, натижага эришади.

Депутат тегишли ҳудудда жойлашган давлат ҳокимияти ва бошқаруви органларининг мансабдор шахсларига уларнинг ваколатларига қирадиган масалалар юзасидан асослантирилган тушунтириш бериш ёки ўз нуқтаи назарини баён қилиш талаби кўрсатилган мурожаат билан чиқиш ҳуқуқига эга. Бу депутатлик сўрови ҳисобланади. Энг асосийси, бу институтдан самарали фойдаланиш орқали сайловчилар, партия электорати вакиллари ўйлантираётган масалаларни ҳал этилади.

Партия фаолларининг қайд этишича, ўтган йили халқ депутатлари вилоят, туман, шаҳар Кенгашларидаги ЎЗХДП гуруҳлари мутасадди ташкилотлар раҳбарларига 762 депутатлик сўрови юборган бўлса, туман ва шаҳар Кенгашларидаги депутатларимиз 2926 сўров билан тегишли ташкилотларга мурожаат қилган.

Бу рақамлар депутатларимизнинг ўз ишига масъулият ва жонқуярлик билан ёндашётганини кўрсатади. Мисол тариқасида айтиладиган бўлса, Фарғона вилоятининг Ёзёвон туман Кенгаши депутати Соҳида Абдусаматова ёрдами билан тумандаги 21-мактаб болалари учун махсус мактаб автобуси ташкил этилган.

Халқ депутатлари Навоий шаҳар Кенгаши депутати Мархабо Жабборовга Навоий шаҳар

Ўтган йили халқ депутатлари маҳаллий Кенгашларидаги партиямиз гуруҳлари 167 масалани ўрганиб, сессиялар муҳокамасига киритишган бўлса, шундан 87 таси 2015-2019 йилларга мўлжалланган Ҳаракат дастури асосида ўрганилди.

Гулистон кўчаси 3-ўй 12-хонадонда яшовчи фуқаро Гулмира Шералиева ишга жойлашиш масаласида мурожаат қилган. Ушбу мурожаат асосида Навоий шаҳар таълим муассасалари фаолиятини методик таъминлаш ва ташкил этиш бўлимига депутатлик сўрови юборилган ва ижобий натижага эришилган. Депутат Фарход Курбонова Навоий шаҳар Меъморлар кўчаси 16-а ўй 46-хонадонда яшовчи фуқаро Роҳила Сайимова ишга жойлашиш масаласида ёрдам сўраб мурожаат қилган. Депутатимиз кўмаги билан у «Бахт текстиль» МЧЖга ишга жойлашган.

Шунингдек, Навбахор туман ҳокимлигига тумандаги «Янги-обод» МФЙ ҳудудидаги асфальт йўл ёқасидаги бекатни таъмирлаш ёки замонавий типда янги-сини қуриш масаласи юзасидан депутатлик сўрови юборилган ва ушбу сўров ҳам ижобий ҳал

этилган. Бундай мисолларни кўплаб келтириш мумкин. Энг асосийси, бу орқали ҳудудларда аҳолини ўйлантираётган масалалар ижобий ечим топтоқда.

Албатта, бугунги кун талабига жавоб бериш учун депутат ҳар қачонгидан кўпроқ ғайратли бўлиши, ечимини кутаётган масалаларни мунтазам ўрганиб, асосли таклифлар тайёрлаб бориши лозим. Буни замоннинг ўзи талаб этипти. Лекин Қорақалпоғистон Республикаси, Тошкент шаҳри, Наманган, Самарқанд, Қашқадарё, Тошкент вилоятларининг айрим туман ва шаҳарларидаги депутатларни бу борада фаол, деб бўлмайди. Қарийб бир йил вақт мобайнида уларни жойларда соҳалар ривожини, аҳолини ўйлантириб келаётган масалалар бўйича амалий иш қилаётганини кини хайрон қолдиради.

Хўш, нима қилсак аҳвол яхшиланади? Партия гуруҳлари жон куйдириб ишлайди, ҳаммининг фикри бир жойдан чиқиб, виждонан ҳаракат қилади?

Бугун ҳар бир депутатдан, партиямиз гуруҳлари, раҳбарларидан ана шу саволлар ҳақида жиддий ўйлаб, зарур чораларни кўриш тақозо этилапти. Жойларда минтақавий партия кенгашларининг кенгайтирилган йиғилишларида ҳам бу масалага алоҳида эътибор қаратилмоқда.


Рақамлар ва маълумотлардан ҳулоса қилиш мумкинки, изланувчан, ташаббускор ва жонқуяр депутатлар одамларнинг ишончини оқламакда, партиямиз нуфузини оширмоқда.

Лазиза ШЕРОВА,
Гузэл МАТЁКУБОВА.

ЎЗХДП: «ИСТИҚБОЛ» ЁШЛАР ҚАНОТИ

ЎЗХДП Қорақалпоғистон республика кенгаши «Билим ринг» теле кўрсатуви ижодкорлари ҳамда «Қамолот» ЁИХ Нукус шаҳар кенгаши билан ҳамкорликда интеллектуал ўйин ташкил этди. Унда Нукус шаҳридаги академик лицей ва касб-ҳунар коллежларидан саралаб олинган ҳар бири 6 нафар ўқувчидан иборат 26 жамоа беллашди.

КИТОБХОНЛИК БЕЛЛАШУВИ



Интеллектуал ўйин шартига кўра, жамоа азоларига 5 бадий асар уйга вазифа қилиб берилган эди. Иштирокчилар асарлардан тузилган саволлар орқали беллашди.

— Ёшларда юксак маънавиятни шакллантириш учун ушбу интеллектуал ўйинни ташкил этдик, — дейди «Билим ринг» кўрсатуви бошловчиси **Максет Абдуллаев.** Бу беллашувда асосийси голиб бўлиш эмас, балки билим манбаи бўлган китобни севиш, уни ўқиш ва ардоқлашни тарғиб қилишдан иборат.

— Инсон ҳаётида у ўқиган китоблар муҳим ўрин тутди, — дейди **ЎЗХДП Қорақалпоғистон республика кенгаши сектор мудир Пердебай Скендеров.** — Шунинг учун бундай ўйинларни туманларда ҳам давом эттиришни режалаштирдик.

Интеллектуал ўйин қизиқарли ва бахсли кечди. Натижаларга кўра, Бердақ номидаги Қорақалпоқ давлат университети қошидаги 1-сон академик лицей жамоаси биринчи ўринни эгаллади. Нукус юридик коллежи жамоаси иккинчи, Тошкент педиатрия тиббиёт институтининг Нукус филиали қошидаги академик лицей жамоаси эса учинчи ўринни кўлга киритди.

Ҳолиларга ЎЗХДП Қорақалпоғистон республика кенгаши ҳамда бошқа ташкилотчиларнинг диплом ва эсдалик совғалари топширилди.

Нурлан КИШАНОВ

— Бугун ЎЗХДП сафига қабул қилиндим, — дейди **Жиззах вилоят телерадиоканализацияси муҳбири Дилшод Эргашев.** — Бундан жуда хурсандман. Ҳаётимда халқчил, амалий ишлари кўп сиёсий куч аъзоси бўлиш мендан янада кўпроқ, самаралироқ хизмат қилишни талаб этади.

ЕТАКЧИЛАР ФИКР АЛМАШДИ

ЎЗХДП Марказий Кенгаши ҳамда Жиззах вилоят партия ташкилоти томонидан ўтказилган давра суҳбатда айтилган бу фикр кўпчилигининг эътиборини тортиди. Ушбу тадбирда **ЎЗХДП вилоят кенгаши расиси Мўътабар Каримова, ЎЗХДП Марказий Кенгаши «Истиқбол» ёшлар қаноти етакчиси Умрбек Бектемиров, «Ёш сиёсатчи — 2009» кўрик-танлови голиби, Жиззах политехника институти ўқитувчиси Олмас Зафаров, «Истиқбол» ёшлар қаноти фаоли Элбек Баракаев** ва бошқалар ёшлар тарбияси, партия ташкилотлари зиммасида турган вазифалар ҳақида алоҳида сўз юритишди.

— Бугун мамлакатимиз ёшлари юртимизда яратилган имкониятлардан ўринли фойдаланиб, ҳеч кимдан кам эмаслигини намойиш этишяпти, — деди **Олмас Зафаров.** — Уларнинг илму фан, спорт, санъат соҳаларида эришаётган ютуқлари халқимизнинг руҳиятини кўтармоқда. Шунинг учун тадбирларимизда ёшларни ютуқларга рағбатлантирадиган воситалардан кенг фойдаланишимиз, юқори натижаларга эришганларни ўрнат ва намуна қилиб кўрсатишимиз зарур.

Тадбирда, шунингдек, ёшларнинг ижтимоий-сиёсий фаоллигини оширишда «Ёш сиёсатчилар» клубининг аҳамиятини янада кучайтириш, иқтидорли йигит-қизларни клуб сафига кўпроқ жалб қилиш лозимлиги алоҳида қайд этилди.

Ёшларнинг фикр-мулоҳазалари асосида тавсиялар ишлаб чиқилди.

Наргиза МАМАТМУРОВА,
ЎЗХДП Жиззах вилоят кенгаши сектор мудир.

СЎЗ — ЎЗХДП ФРАКЦИЯСИ АЪЗОЛАРИГА!

ТУРМУШ ФАРОВОНЛИГИНИНГ МУҲИМ ОМИЛИ



Аваз ЎРИНБОВ,
Олий Мажлис
Қонунчилик
палатасидаги
ЎЗХДП фракцияси
аъзоси:

— Аҳоли бандлигини таъминлаш, ишлаб чиқаришда иштиёқни бор кишиларнинг ташаббусларини қўллаб-қувватлаш ва уларга молиявий кўмак бериш кўламини йилдан-йилга кенгайтириб бормоқда. Хусусан, янгидан иш бошлаётганларга бошланғич сармояни шакллантириш, айланма маблағни тўлдириш учун имтиёзли микрокредитлар ажратилмоқда. Бу ўз бизнесини йўлга қўйиш истагида бўлган партиямиз электорати вакиллари қўллаб-қувватлашишда муҳим аҳамият касб этади.

Жаҳон банки ҳамда Халқаро молия корпорацияси томонидан «Бизнес-инициатива — 2016» («Doing business — 2016») бўйича яқинда эълон қилинган мамлакатлар янги рейтингда Ўзбекистон қўлай ишбилармонлик муҳити кўрсаткичлари бўйича жаҳоннинг 189 давлати орасида 54-поянча юқорида кўтарилди, 87-ўринни эгаллади. Бу охириги бир йил мобайнида қўзғатилган ўсиш натижасидир. Мамлакатимизнинг энг юқори ўсиш суръати «Кредитлаш тизими» бўйича қайд этилди. Ушбу

кўрсаткич ўтган йилдаги нисбатан бир йўлга 63-поянча кўтарилди, 105-ўриндан 42-ўринга чиққанлиги кўрсаткичдир.

2015 йилда иқтисодиётнинг реал секторига йўналтирилган кредитларнинг умумий ҳажми 2014 йилга нисбатан 27,3 фоиз кўпайиб, 2016 йилнинг 1 январь ҳолатига кўра, 42,7 триллион сўмдан ортган бўлса, банкларнинг инвестиция мақсадларида ажратилган кредитлар ҳажми ҳам 1,2 баробар ошиб, 2016 йилнинг 1 январь ҳолатига кўра, 10,2 триллион сўмни



ташкил қилди.

Иқтисодиёт ва хизмат кўрсатиш соҳасининг юқори суръатлар билан барқарор ўсиши партиямиз учун энг муҳим устувор йўналиш бўлган — аҳоли бандлигини таъминлаш, авваламбор, касб-ҳунар коллежлари ва олий ўқув юртилари битирувчиларини ишга жойлаштириш учун зарур шароитлар яратмоқда. 2015 йилда мамлакатимизда 980 мингдан ортиқ кишининг бандлиги таъминланган бўлса, шунинг 60 фоиздан зиёди қишлоқ жойларга тўғри келди.

Жаҳон молиявий-иқтисодий инкирозига қарши мамлакатимизда ўз вақтида қўрилган чора-тадбирлар самараси ўлароқ дунёда ҳали-бери давом этаётган глобал муаммо оқибатларининг нафақат олди олинди, балки банкларнинг молиявий барқарорлиги таъминланиб, капиталлашув даражасини янада мустаҳкамлашга эришилди.

Халқаро экспертларнинг таҳлиliga кўра, Ўзбекистон банк тизимида хорижий инвесторлар ҳамда кичик бизнес ва хусусий тадбиркорлик субъектлари учун қўлай ишбилармонлик муҳити яратилган. Уларни молиявий қўллаб-қувватлаш борасида аниқ мақсадли чора-тадбирлар қабул қилингани, банк тизими босқичма-босқич ислох этилаётгани, уларнинг ресурс базаси тобора мустаҳкамланаётгани ютуқларнинг бош омили бўлмоқда. Хусусан, Марказий банк томонидан қайта молиялаш ставкаси 2015 йилнинг 1 январидан 10 фоиздан 9 фоизга пасайтирилгани кичик бизнес ва хусусий тадбиркорлигининг

ЖАҲОН МАМЛАКАТЛАРИ СИЁСИЙ ПАРТИЯЛАРИ ВА САЙЛОВЛАРИ



МДХда ягона ноёб қурилиш иншооти

19 километрлик темир йўл туннелини ўз ичига олган «Ангрен — Поп» электрлаштирилган темир йўл линиясининг қурилиш ишлари «Ўзбекистон темир йўллари» акциядорлик жамияти ҳамда Хитойнинг «China Railway Tunnel Group» компанияси томонидан амалга оширилмоқда.

Мазкур туннель қурилиши мураккаблиги бўйича жаҳонда биринчи саккизликдан, узунлиги бўйича 13 таликдан жой олган, МДХ мамлакатлари орасида эса ягона ноёб қурилиш иншооти ҳисобланади, деб хабар беради uzrailway.uz сайти.

27 февраль кунини Камич туннелининг икки томонидан бошланган бургулаш ва қавлаш ишлари тугатилди.

Бугунга қадар иншоотнинг 85 фоизда пардозлаш ишлари бажарилди. Яқин кунларда пўлат излар ётқизиш ва электрлаштириш, коммуникация ишлари бошланади.

Шуни алоҳида таъкидлаш кераки, узунлиги 123,1 километрдан иборат бўлган мазкур лойиҳанинг туннелдан ташқари 104 километрни барча қурилиш ишлари 2015 йил август ойининг сўнгги кунларида тўлиқ тугатилган эди.

Пластик карточка эгалари учун бир қатор қулайликлар

Марказий банк ва Ўзбекистон Банклар ассоциацияси банкларро «чакана тўлов тизимида мижозларга «сўм» пластик карточкалари орқали ҳисоб-китоблари амалга оширишда банк ва банк мақомига эга бўлмаган кредит ташкилотлари амал қилиши лозим бўлган тарифларнинг янги режасини ишлаб чиқди. Бу ҳақда Марказий банк матбуот хизмати хабар бермоқда.

— Жорий йилнинг 1 мартидан кучга кирадиган янги тариф режасига кўра, банклар томонидан жисмоний шахсларнинг пластик карточкалари ҳисобварағидаги қолдиқ маблағларга ҳисоблангандаги фоизлар Марказий банкнинг қайта молиялаш ставкаси (9 фоиз) дан кам бўлмаган миқдорда белгиланди, — дейди Марказий банкнинг Пул муомаласи департаменти директори ўринбосари Фахриддин Бобоев. — Ҳозирга қадар пластик карточкадаги қолдиқ маблағлар тижорат банклари томонидан Марказий банк қайта молиялаш ставкасининг йиллик 1 фоизи миқдоридан капиталлаштирилган эди.

Эндиликда жисмоний шахслардан пластик карточкаларининг фойдаланиш муддати тугаганидан кейин қайта алмаштиришда банк томонидан қизмат ҳақи ундирилмаслиги қатъий белгиланган бўлиб қўйилди.

Шунингдек, банк эмитентидан қатъи назар, жисмоний шахсларнинг пластик карточкасидаги маблағлар бошқа бир жисмоний шахс пластик карточкасига ўтказилганда ёки кириш қилинганда банк томонидан хизмат ҳақи ундирилмайди.

Мисол учун, маълум бир банкнинг мижози ўз пластик карточкасидаги пуллари бошқа бир банкнинг мижози бўлган шахс пластик карточкасига исталган ҳудудда ўтказиш имконига эга бўлиди. Ҳозирга қадар бу тарзда, яъни бир банкнинг мижози иккинчи бир банк мижозига пул ўтказиши техник сабабларга кўра, амалга оширилмас эди. Бу каби қулайлик, шубҳасиз, нақд пулга бўлган талабни камайтириб, пул айланишининг тезлашишига шароит яратди.

АҚШ: Президентликка номзодлар сараланмоқда

Жорий йилнинг ноябрь ойида АҚШда президент сайлови бўлиб ўтади. Ушбу мамлакатда президент сайлови ҳар тўрт йилда ўтказилади.

Мамлакат қонунчилигига биноан президентликка номзод камиди 35 ёшда, АҚШ фуқароси бўлиши зарур. Шунингдек, номзод камиди 14 йил ушбу мамлакатда муқим яшаган бўлиши лозим.

Президентликка номзодлар сайловдан бир неча ой илгари сиёсий партиялар томонидан танлаб олинади. Бунинг учун сайловда иштирок этувчи партиялар ичида бошланғич сайловлар, яъни праймериз ўтказилади. Праймериз — инглизча сўз бўлиб, «бошланғич сайловлар» деган маънони англатади.

Праймериз тадбири ушбу давлат сиёсий тизимидаги ўзига хос жиҳат ҳисобланади. Шу кунларда ушбу тадбир АҚШнинг кўплаб штатларида қизгин курашлар асосида ўтмоқда.

Сиёсатшуносларнинг фикрича, праймериздан асосий мақсад бир партиядан кўрсатилган номзодлар орасидан энг муносибларини саралаб олишдир. Праймеризда мағлубиятга учраган номзодлар кўп ҳолларда мустақил номзод сифатида президентлик сайловида иштирок этишади.

АҚШда бўлиб ўтадиган президент сайловида асосий рақобат демократлар ва республикачилар вакиллари ўртасида

кечади. Шунингдек, бошқа ўнлаб, мустақил номзодлар ҳам сайловда ўз омадини синаб кўради.

Бевосита АҚШ президентлигига номзодларга эътибор қаратадиган бўлсак, Демократик партия номзодлари орасидан Хиллари Клинтоннинг имкониятлари юқори баҳоланмоқда. Ушбу партиядан етакчи номзодлардан яна бири Вермонт штати сенатори Берни Сандерс ҳисобланади.

Президентликка республикачилардан ҳам бир неча номзод кўрсатилган. Жумладан, миллиардер Дональд Трамп, Жонс Хопкинс шифохонаси директори Бен Карсон, Охайо губернатори Жон Кейсик, Техас штатидан сенатор Тед Круз ва Флорида штатидан сенатор Марко Рубио президентлик учун кураш олиб бормоқда.

Яқинда ўтказилган праймериз тадбирларининг натижаларига эътибор қаратсак. Мисол учун, жорий йил 1 февраль кунини Аёвава штатида ўтказилган овоз бериш натижаларига кўра, демократлардан бўлган Хиллари Клинтон 49,9 фоиз овоз тўплашга эришди. Берни Сандерс эса 49,6 фоиз овоз олди.

■ АҚШда бўлиб ўтадиган президент сайловида асосий рақобат демократлар ва республикачилар вакиллари ўртасида кечади.



Республикачилардан бўлган номзодлар Тед Круз 28 фоиз, Дональд Трамп 24, Марко Рубио учинчи натижани қайд этиб, 23 фоиз овоз олишга эришди.

Ҳозиргача бундай сайловлар, шунингдек, Нью-Хэмпшир, Невада, Жанубий Каролина штатларида ўтказилди. Уларда номзодлар турлича натижаларни қайд этишди. Умумий кўрсаткичларга кўра, демократлардан Хиллари Клинтон, республикачилардан Дональд Трамп етакчилик қилмоқда.

Америкада президент ўзига хос усулда сайланади. Номзодларнинг исм-шарифлари сайлов варақаларида белгиланган бўлишига қарамай, техник жиҳатдан сайловчилар тўғридан-тўғри овоз

бермайди. Ҳар бир штат аҳолиси Конгрессдаги сенатор ва вакиллари сонига тенг президент сайловчиларини танлаб олади. Бирон штатда энг кўп овоз олган номзод мазкур штатда галаба қозongan ҳисобланади ва барча овозни ўз ҳисобига ўтказишга эришади.

Барча штат сайловчилари (жами 538 шахс) Сайловчилар коллегиясини ташкил қилади. Конституцияга кўра, Коллегия ҳеч қачон бир ташкилот тарқасида бир жойда тўпланмайди. Сайловда 270 овозни тўплаган номзод президент сифатида сайланади.

Интернет материаллари асосида
Нуралӣ ОРИПОВ тайёрлади.

РЕКЛАМА ЎРНИДА

Мижоз манфаати ҳамма нарсадан устун

акциядорлик тижорат «Алоқабанк»нинг Миробод филиали фаолиятидаги ибратли ишлар хусусида

Мамлакатимиз банк тизимида олиб борилаётган кенг қўламли ислохотлар инсон ва унинг манфаатларига, оилалар даромадини оширишга хизмат қилмоқда. Ўз навбатида иқтисодиётнинг реал секторини кредитлаш ҳажми кенгаймоқда, банк ва молия хизматларининг сифати тубдан яхшиланмоқда. Бунинг асосий қисми тижорат «Алоқабанк»нинг Миробод филиали фаолияти мисолида ҳам яққол кўришимиз мумкин.

Банк томонидан ҳар бир йўналиш бўйича зарурий чора-тадбирлар ишлаб чиқилиб, ҳаётга татбиқ этилаётган.

Биргина мисол. Ўтган 2015 йилда банк томонидан юридик ва жисмоний шахсларга 27392,8 миллион сўм миқдоридан кредитлар ажратилган бўлиб, ушбу маблағларнинг 23823,6 миллион

2401,8 миллион сўм молиявий кўмак берилди. Ишлаб чиқариш, хизмат кўрсатишнинг кенгайиши ҳисобига 60 янги иш ўрни яратилди.

Ўзбекистон Республикасининг «Истеъмол кредити тўғрисида»ги Қонунига мувофиқ жисмоний шахсларни моддий жиҳатдан қўллаб-қувватлаш мақсадида жами

товарлари ишлаб чиқаришнинг кенгайтириш ва ички бозорни тўлдириш мақсадида 7143,4 миллион сўм миқдоридан кредит маблағлари ажратилди. Ўз навбатида, ишлаб чиқариш корхоналарига технологик ускуна, хомашё ва материаллар сотиб олиш учун жами 6694,9 миллион сўм миқдоридан кредитлар йўналтирилди.

Дарҳақиқат, бугунги кунда банк кредитлари ҳисобига ўз бизнесини йўлга қўйиб, халқимиз фаровонлигини оширишга ва янги иш ўринлари ташкил этишга бел боғлаган мижозлар сони тобора кўпайиб бормоқда.

— Акциядорлик тижорат «Алоқабанк» ўзининг самарали фаолияти билан биз каби мижозларда ишонч уйғота олган молия муассасасидир, — дейди **ПОЙТАХТИМИЗНИНГ МИРОБОД ТУМАНИДАГИ «ОМЕГА EYE» (кўз касалликларини даволаш, ташхис қўйиш ва тиббий маслаҳатлар беришга ихтисослашган клиника) масъулияти чекланган жамияти раҳбари Санжар Соҳибов.** — Биз мазкур банкнинг Миробод филиалидан 600 миллион сўм имтиёзли кредит олиб, ушбу маблағ ҳисобидан Германия ҳамда Жанубий Кореяда ишлаб чиқарилган, беморларни даволаш ва ташхис қўйишда муҳим ҳисобланган «Q-LAS», «Мегатрон», «Хувейтс» русумидаги замонавий тиббий ускуналарни сотиб олдик. Жамиятимиз томонидан амалга оширилган савий-харажатлар ҳамда банк кредитлари ҳисобига бугунги кунда 20 янги иш ўрни яратилди.

Жорий йилнинг ўтган даври мобайнида ҳам филиал томонидан ишлаб чиқаришни қўллаб-қувватлаш ва янги иш ўринлари яратишга алоҳида аҳамият берилмоқда. Айниқса,



Хизматлар лицензияланган.

Ўтган 2015 йилда банк томонидан юридик ва жисмоний шахсларга 27392,8 миллион сўм миқдоридан кредитлар ажратилган бўлиб, ушбу маблағларнинг 23823,6 миллион сўм тўғридан-тўғри кичик бизнесни молиявий қўллаб-қувватлашга йўналтирилди. Шундан мижозларга ажратилган микрокредитлар миқдори эса 4050,2 миллион сўмни ташкил этди.

кичик бизнес ва хусусий тадбиркорликни ривожлантириш, мижозларга турли банк хизматлари кўрсатиш, уларга янгида-янги омонат турларини тақдим этиш, аҳолининг бўш пул маблағларини

омонатларга жалб этиш юзасидан қатор ишлар амалга оширилмоқда. Банкнинг молиявий мадади билан кишлоқ хўжалиги, саноат, қурилиш ва аҳолига маъийиш хизмат кўрсатиш соҳаларида ўзига хос ютуқларга эришилаёпти. Кўрсатилаётган хизматларнинг сифати ва турларини кенгайтириш ҳисобига банк мижозлари сони тобора кўпайиб бормоқда. Бундан ташқари, филиал томонидан аҳоли ва хўжалик юритувчи субъектларнинг бўш пул маблағларини банк депозитларига жалб қилишни кўпайтириш, активлар ҳақини кредит портфели сифатида яхшироқ босқисидан ҳам қатор ютуқларга эришилмоқда. Айниқса, аҳолининг банкдаги омонатлари шартларини либераллаштириш ва уларнинг кафолатларини таъминлашга алоҳида аҳамият берилмоқда.

Мухтасар қилиб айтганда, акциядорлик тижорат «Алоқабанк»нинг Миробод филиали томонидан амалга оширилаётган бундай ибратли ишлар мижозларнинг банкка бўлган ишончини ошириш, янги иш ўринлари яратиш, иқтисодиётни юксалтиришда муҳим омил бўлмоқда.

Соҳибжон САЛИМОВ,
«Ўзбекистон овози» мухбири.

Ўзбекистон Республикаси Президентини Ислам Каримовнинг мамлакатимизни 2015 йилда ижтимоий-иқтисодий ривожлантириш якуналари ва 2016 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг кенгайтирилган мажлисидаги маърузаси хорижий мамлакатлар оммавий ахборот воситаларида ҳам катта қизиқиш уйғотмоқда.

«Diplomat Magazine»

Ўзбекистоннинг ижтимоий-иқтисодий тараққиёти ҳақида

Нидерландия ва Бельгиядаги оммабоп нашрлардан бири ҳисобланадиган «Diplomat Magazine» журналида мамлакатимиз раҳбарининг маърузасида ўз ифодасини топган асосий жиҳатларга бағишланган мақола босилиб чиқди.

Унда қайд этилганидек, дунёнинг ривожланган демократик давлатлари қаторидан ўрин эгаллаш мақсадида мамлакатимизда амалга оширилаётган ўзгаришлар, кучли ижтимоий йўналтирилган иқтисодиётга асосланган сиёсатнинг ҳаётга изчил татбиқ этилиши аҳолининг муносиб ҳаёт кечириш даражаси ва сифатини оширмоқда.

«Мамлакат эришган муваффақиятлар халқаро ҳамжамиятда кенг эътироф этилмоқда. Катта нуфузга эга бўлган Жаҳон иқтисодий форуми рейтингига кўра, Ўзбекистон 2014 — 2015 йиллардаги ривожланиш якуналари ва 2016 — 2017 йилларда иқтисодий ўсиш прогнозлари бўйича дунёдаги энг тез ривожланаётган бешта мамлакат қаторидан жой олди. Бундан ташқари, ўтган йили республика Бирлашган Миллатлар Ташкилотининг Озиқ-овқат ва кишлоқ хўжалиги ташкилоти (ФАО)га аъзо давлатларнинг озиқ-овқат хавфсизлигини таъминлаш соҳасида Минг-йиллик ривожланиш мақсадларига эришгани учун муқофотга сазовор бўлган 14 давлатдан бири сифатида эътироф этилди», деб ёзади нашр.

«2015 йили 15 миллиард 800 миллион АҚШ доллари миқдорида инвестициялар ўзлаштирилди. Уларнинг 3 миллиарди 300 миллион доллардан зиёди хорижий инвестициялардир. Бу маблағнинг катта қисми янги ишлаб чиқариш қувватларини барпо этишга йўналтирилди ва натижада йирик ишлаб чиқариш объеклари қурилишларини якунлаш ва фойдаланишга топшириш имконини берди».

Шу билан бирга, мақолада Ўзбекистон кишлоқ хўжалигида рўй бераётган тизимли ўзгаришларга ҳам алоҳида эътибор қаратилган. «Республикада деҳқон ва фермерларнинг фидокорона меҳнати ва омилкорлиги туфайли кишлоқ хўжалиги маҳсулотларидан мўл ҳосил олинмоқда. Мева ва сабзавотчилик, богдорчилик, чорвачилик жадал суръатларда ривожланмоқда», деб ёзади журнал.

«Diplomat Magazine» қайд этганидек, замонавий технологиялар асосида пахта толасини ва мева-сабзавот маҳсулотларини чуқур қайта ишлаш ташқи ва ички бозорда талаб юқори бўлган тайёр, экологик тоза тўқимачилик ва енгил саноат маҳсулотлари ишлаб чиқариш ҳажмини 2030 йилда 5,6 марта, мева-сабзавот маҳсулотларини қайта ишлаш ҳажмини эса 5,7 қарра ошатиш имконини беради.

Мақола якунида 2016 йил Ўзбекистонда Соғлом она ва бола йили, деб эълон қилинган қаламга олинган. Шу ўринда Ўзбекистоннинг ҳар йили ҳаётга татбиқ этилган давлат дастурларидан муваффақиятли тажриба орттиргани эътироф этилар экан, жорий йилда ҳам оила, оналик ва болалик муҳофазаси тизимини мустаҳкамлаш юзасидан улкан ишлар амалга оширилиши мўлжалланаётгани европалик ўқувчиларнинг эътиборига ҳавола қилинган.

«Жаҳон» АА,
Брюссель.



Президентимиз Ислам Каримов томонидан тасдиқланган «Соғлом она ва бола йили» Давлат дастури ижросини таъминлаш мақсадида Соғлиқни сақлаш вазирлиги ташаббуси билан жорий йил 29 февралдан мамлакатимиз бўйлаб «Ҳеч ким меҳр ва эътибордан четда қолмасин!» шiori остида чуқурлаштирилган тиббий кўриқлар бошланди.

«Ҳеч ким меҳр ва эътибордан четда қолмасин!»



Соғлиқни сақлаш вазирлиги матбуот хизмати хабарига кўра, ушбу ижтимоий тадбирдан мақсад — аҳолини чуқурлаштирилган тиббий кўриқдан ўтказиш билан бирга, соғлом турмуш тарзини қарор топтириш, ёшларда соғлом оила қуришга интилиш ҳиссини кучайтириш, турли хасталикларнинг олдини олиш бўйича тушунтириш ишларини олиб боришдир.

Ижтимоий тадбир давомида республика ихтисослаштирилган тиббиёт марказлари, илмий-текшириш институтлари ва тиббиёт олий ўқув юртинларининг 300 нафарга яқин етакчи олимлари ҳамда юксак малакали шифокорларни юртимизнинг барча ҳудудларида бўлиб, аҳолини чуқурлаштирилган тиббий кўриқдан ўтказишди.

Икки босқичда ўтадиган тадбирда дастлаб вилоятнинг ўзида фаолият кўрсатган малакали мутахассислар ҳудуд аҳолисини тиббий кўриқдан ўтказди. Иккинчи босқичда эса республика миқёсидаги мутахассислар иштирокида юқори даражадаги консилиумга эҳтиёжи бор фуқаролар чуқурлаштирилган тиббий кўриқдан ўтказилади.

«Робот-андرويد—2016» кўргазмаси ўтказилди

Тошкент политехника музейида «Робот-андرويد—2016» кўргазмаси ўтказилди. Бу ҳақда «Узавтосалон» АК ахборот хизмати хабар бермоқда.



Кўргазмага қўйилган робот-экспонатлар Тошкент шаҳридаги Турин политехника университети, Андижон автомобилсозлик институтини талабалари томонидан яратилган.

Ушбу кўргазма доирасида роботларни йиғиш ва уларни дастурлаш бўйича маҳорат-дарслари, Робук кибигини йиғуви роботлар мусобақалари ва кўлаб қизиқарли тадбирлар ўтказилди.

Кўргазма иштирокчилари ҳомиёларнинг қимматбахш совғалари билан тақдирланди.

4 2016-yil, 1-mart.
Seshanba 26 (32.085)-son

ОРАМИЗДАГИ ОДАМЛАР

Саъдулло боғбоннинг боғлари

1000 гектардан ошди, яна 100 минг туп кўчат тайёр

Уни нафақат Китоб туманида, балки бошқа ҳудудларда ҳам яхши билишади. У етиштирган кўчатлардан яралган боғлар турли минтақаларда шовуллаб, мангуликнинг яшил кўшигини қўйлаб турибди. Айниқса, тоғ даралари-ю қир-адирларда барпо этган боғи таҳсинга лойиқ.

Мақоламиз қахрамони — Саъдулло Насимов билан етти йил бурун танишгандим. Боғдорчилик ривожига бағишланган кенгашда сўзга чиқиб, ўз тажрибалари ҳақида сўзлаб, кўпчиликнинг эътиборини тортганди.

Шундан сўнг кўп марта учрашиб, суҳбатлашдик. Яқинда яна йўқлаб бордим.

У юксак тоғлар бағридаги Сиёб қишлоғида туғилиб, ўсган. Мактабни битиргач, Самарқанд иқтисодиёт ва сервис институтида тахсил олади. Анча йиллар мутахассислиги бўйича ишлайди.

Тоғда яшаганларида отаси Фатхулло боғбон арча, дўлана, бодом дарактларини кўчатдан ўстириш сирларини ўргатган, ўз касбига меҳр уйғотганди. Йиллар ўтса-да, ёшлигида кўнглига тушган чўғ сўнмади. Саъдулло ота касби билан шуғулланишга аҳд қилди. Шредер номли боғдорчилик институтининг Самарқанддаги филиалига бориб, билим ва малакасини оширади.

Тўқсонинчи йилларнинг бошида Китоб ўрмон хўжалигидан 30 гектар ерни ижара олади. Олманинг «Юлдуз», «Кремсон», «Голден» сингари навлари кўчатини ўстиради. Уларнинг униции, илдиз отиши осон кечмайди.

Сафармурод ака, Муртозахон ота сингари тажрибали сохибкорлардан маслаҳат олади. Заҳматли меҳнат зое кетмади. Кўп ўтмасдан бую тўқинчилик масканига айланди.

Олинаётган тонна-тонна мевалар қишин-ёзин эл дастурхонига тортиқ этилиб, шундан келаятган даромад эвазига 40 га яқин кишининг оиласи обод бўлмоқда.

Бу гапни эшитгач, Саъдуллони саволага тутдим:

— Меваларни асраш учун шарт-шароит борми?

— Адирларнинг бағрида табиий омборхонамиз бор. Мевалар йил бўйи бузилмасдан туради, — дейди моҳир боғбон.

Унинг ҳозирги ишлари билан танишиш истагини билдирдим. Саъдулло мени Китоб шаҳрининг кўнчиқар томонидagi бир масканга бошлаб борди. Бу ер ўнлаб мева ва манзарали даракт кўчатлари ўсиб турган 2 гектарлик тажриба майдони экан. Мен Шахрисабз шаҳрининг кўча ва хиёбонларида хориждан келтирилган манзарали дарактлар экилганини айтиб қолдим.

— Чет элларнинг тажрибасини ўрганасан, зарар қилмайди, — дейди Саъдулло. — Бирок ўша кўчатларни ўзимиз ўстирсак, янада яхшироқ бўлади.

Мана бу майдонда олма, наштави, гилос, олхўри каби мевали, шумтол, қрим қарагайи, япон софори ва бошқа манзарали даракт кўчатлари етиштириляпти. Юртдошларимиз жон-жон деб олиб кетишапти.

— Бунақа хайрли иш билан қанча йилдан бери шуғулланасиз? — деб сўрайман.

— Боғбонликни кўл урганмандан бери. Ҳисоблаб



кўрсам, мен кўчат етказиб берган боғлар ҳозиргача 1000 гектардан ошди. Яна 100 минг туп кўчат тайёр. Харидорлар воҳамиздаги туманлардан, Жиззах, Самарқанд вилоятларидан келишади. 2011 йилда Қарши шаҳрининг боғ ва хиёбонлари учун 2000 туп манзарали даракт кўчати етказиб бердик. Фўзор туманидаги 10 гектар майдонда дарактларимиз барқ уриб ўса-япти.

Суҳбатимиз устига бир киши келиб қолди. Саъдулло билан кўчкўлашиб кўришди. У боғларини Саъдулло кўчартариб, парваришлаган берган «Агро Феруз» фермер хўжалиги раҳбари Самихон Қурбонов экан. Яна маслаҳатга келибди.

Тажриба майдонидаги боғбонлар билан хўшлашиб, Қашқадарё соҳилидаги паст бўйли боғ тарафга йўл олдик. Бу боғ ҳам Саъдуллонинг меҳнати билан барпо бўлган. Гап шундаки, юртимизда

интенсив, серҳосил боғлар яратишга киришилганда, тадбиркор Саломжон Ҳамидов Сербия давлатидан мева кўчатлари келтиради. Иш бошига Саъдулло боғбонни кўяди. Қисқа фурсатда 4 гектар ерга олма, 7 гектардан ошқ ерга олхўри кўчатлари ўтказилади.

— Ўзим олий маълумотли агрономман, — дейди «Китоб мевалари» МҲЖ бошқарувчиси Ғайрат Эргашев. — Лекин Саъдуллога тан бердим. Биз чет элда ўсадиган мевали дарактлар қандай экилиши, парвариш қилинишини билармик. Қарангки, Саъдулло элади. Ўтган йили 60 тонна олхўри, 46 тонна олма етиштирдик. Бир-икки йилга қолмасдан барча харажатларни қоплаб, даромад ола бошлаймиз.

Кўп ўтмай Оқсув дарёси бўйидаги маҳаллага етиб келдик. Чокқина ҳовлига киравмиз. Бу ерда Саъдуллонинг ота-онаси яшар экан. Мевали

дарактлар, ихчам иссиқхона кўзга ташланади. Оддийгина уйнинг кенг хонасига дастурхон ёзилди.

Бизга мезбонлик қилаётган Фатхулло бобо 92, Соҳида момо саксон ёшга кирибди. Иккаласи 7 ўғил ва 3 қизни улғайтириб, элга қўшибди.

Табаррук инсонлар билан қилинган суҳбат давомида Саъдулло туман ўрмон хўжалигининг Сиёб бўлими бошлиғи бўлганини эшитдим.

Соҳа энди ўзининг ҳақиқий эгасини топибди, деб кўнглидан ўтказдим. Демак, тоғ ва адирлар бағрида янгидан-янги кўчатзорлар барпо этилиб, юртимизда боғ-роғлар янада кўпаяди. Боғ яратган киши эса умрини эзгуликка бахш этиб, номини абадиётга боғлаган саодатли инсондир.

Юнус УЗОКОВ,
Ўзбекистонда хизмат
кўрсатган журналист.

БАРКАМОЛ АВЛОД ОРЗУСИ

Тил билган киши дунёни кезади, дўстлар орттиради, ҳамкорлар топади. Дунё халқларининг маданиятидан, тарихидан хабардор бўлади. Бугун шуни фахр билан айтишимиз керакки, ёшларимизда хорижий тилларни ўрганишга қизиқиш нисбатда катта. Президентимизнинг Чет тилларни ўрганиш тизimini янада такомиллаштириш тўғрисидаги қарори кенг қамровли таълим ислохотларининг узвий давоми бўлди.

ТИЛ БИЛГАН ЭЛ БИЛАДИ

Ушбу қарорда чет тили ўқитишнинг барча жиҳатлари қамраб олинган бўлиб, унга кўра чет тилини ўргатиш 1-синфдан ўйин ва оғзаки нутқ машғулотлари шаклида, 2-синфдан эса алифбо, ўқиш ва содда грамматик қоидаларни ўрганиш билан бошланиши белгиланган.

Маълумки, ўқувчилар бошланғич синфларда чет тилини оғзаки нутқ орқали ўрганиб борса, кейинчалик грамматикани ҳам яхши ўзлаштиради. Юқорида номини келтирилган қарор биз, чет тили фани ўқувчилари зиммасига ҳам катта масъулият юклайди.

Энди биз малакамизни оширишимиз, ўқувчиларнинг чет тилига бўлган қизиқишларини янада орттириш, дарсларни пухта ўзлаштириш учун янги педтехнологиялардан, ўқув қўлланмалардан фойдаланишимиз керак. Ўқувчиларнинг чет тилини ўрганишга бўлган қизиқишлари ва билимларини янада ошириш бўйича доимий ўтказиладиган семинар-тренингларида қатнашаётганимиз бизга қўл келадиган. Чунки ўқувчиларни дарсга қизиқтириш, бутун эътиборини жалб этиш осон эмас.

Тажрибамдан келиб чиқиб, эркин мавзу таллаб, ҳар бир ўқувчининг ўзлаштиришига қараб машғулотлар олиб беришимиз. Бундай машғулотлар ўқувчиларни фикрлаш, сўз тузиш қобилиятини оширади. Шунингдек, дарс вақтида ўқувчиларимдан инглиз тилида гаплашишларини талаб қиламан. Чунки тилни ўрганишда кўпроқ сўзлашувга эътибор бериш керак. Сўзлашув орқали ўқувчи ҳам сўзларни, ҳам грамматикани, асосийси, тўғри ва равои гапиришни ўрганади.

Чет тилини ўрганишда замонавий ахборот технологияларининг ўрни беқиёс. Дарс вақтида мультимедиа воситаси орқали мавзуга оид видео ва аудио лавҳалар намойиш этилиб, жонли мулоқот ўтказилса, сўзлар тўла талаффуз қилинса, яхши самара беради. Бундан ташқари, ўқувчиларнинг сўзлашув тилини янада ривожлантириш учун имкон қадар пойтахтимизга таширф буюрган сайёҳлар билан жонли мулоқот ўтказишга алоҳида эътибор беришимиз. Бу ўқувчиларнинг чет тилини янада яхшироқ, мукамалроқ ўрганишида муҳим аҳамиятга эга. Зеро, чет тилини ўрганиш — давр талаби.

Шаҳноза УСМОНОВА,
ЎзДЖТУ қошидаги
3-академик лицей
инглиз тили ўқувчиси.

ЭЪЛОН

Ташқи иқтисодий
фаолият миллий банки
Тошкент шаҳар бош
бошқармаси

КАПИТАЛ ҚУРИЛИШ БЎЙИЧА
1-ТОИФАЛИ МУХАНДИС ЛАВОЗИМИГА
ИШГА ТАКЛИФ ҚИЛАДИ.
Номзод кўйдаги талабларга жавоб
беириш керак:

— муҳандис-қурувчи мутахассислиги бўйича олий маълумотга эга бўлиши;
— муҳандис-қурувчи мутахассислиги бўйича 5 йиллик меҳнат стажига эга бўлиши;
— рус ва ўзбек тилларида эркин сўзлаша олиши;
— компьютер саводхонлигига эга бўлиши;
— Тошкент шаҳрида доимий рўйхатга эга бўлиши лозим.

Қўшимча маълумотлар учун манзил:
Тошкент шаҳри, Миробод тумани,
Т.Шевченко кўчаси, 34.
Телефонлар: 140-95-00, 140-95-05.
Мурожаат учун шахс:
Хусан Сатторов.

Хизматлар лицензияланган.

РЕКЛАМА ВА ЭЪЛОНЛАР

КИЧИК БИЗНЕС СУБЪЕКТЛАРИ РАҲБАРЛАРИ ДИҚҚАТИГА!
**Наманган муҳандислик
педагогика институти**

қуйидаги ишшоотга танлов савдосини эълон қилади

Наманган шаҳридаги Наманган муҳандислик педагогика институти ҳудудини темир панжара билан ўраш.

Буюртмачининг бошланғич қиймати:

КҚС билан 179 249 740 сўм.
ҚҚС билан 149 374 783 сўм.

Буюртмачи белгиланган ишларни тугатиш муддати — 45 кун.

Буюртмачи — Наманган шаҳри, Дўстлик шох кўчаси, 12-уйда жойлашган Наманган муҳандислик педагогика институти.

Тел.: (0369) 234-15-23. Факс: 234-14-30.

Лойиҳани молиялаштириш: Наманган муҳандислик педагогика институтининг бюджетдан ташқари маблағи ҳисобидан амалга оширилади.

Диққат! Танлов савдолари (тендерлар) фақат кичик бизнес субъектлари ўртасида ўтказилади.

Талабдор сифатида қатнашаётган корхона ва ташкилотлар қуйидаги талабларга жавоб бериши керак: танлов савдоларида фақат қурилиш-пудрат ташкилотлари реестрига киритилган пудратчи ташкилотларнинг иштирок этишига рўхсат этилади, танлов савдо предметининг 20 фоиздан кам бўлмаган миқдоридида айланма маблағнинг ёки қўрсатиб ўтилган маблағни беришга банк кафолатномаси, ишлаб чиқариш базаси, ишлар (хизматлар) ни бажариш учун зарур бўлган меҳнат ресурслари, мутахассисларнинг мавжудлиги, танловдаги ишшоотга ўхшаш объектларда ишлаш тажрибасига, етарли касбий, техникавий малакага, молиявий имкониятларига, шартнома тузиш юзасидан

фуқаролик-муомала ҳуқуқий лаёқат ва ваколатларга эга, тахрибали ҳамда ишончли бўлишлари шарт.

Маҳаллий ва хорижий қурилиш ташкилотлари танлов савдоларида қатнашаётганда уларнинг танлов тақдирларини баҳолашда маҳаллий талабдорларга қуйидаги нарх қўрсаткичлари ҳисобга олинадиган қатнашчиларнинг тижорат тақдирларини тенг шартларга келтириш мақсадида улар бўйича қўнун ҳужжатларига мувофиқ импорт қўнунчилар қўшилган қиймат солиғидан озод қилинадиган товарлар (ишлар, хизматлар) ни импортга етказиб бериладиган тендер тақдирларни қатнашчиларнинг тендер тақдирларини баҳолашда қўрсатиб ўтилган солиқ суммаси қўшимча равишда ҳисобга олинадиган.

Савдода қатнашиш ва танлов ҳужжатларига эга бўлиш учун сўровнома билан савдо ташкилотчиси — Наманган вилояти қурилишда танлов савдолари ва нархларни шакллантириш ҳудудий консалтинг марказига қуйидаги манзил бўйича: Наманган шаҳри, Алишер Навоий кўчаси, 22-уй, Тел/факс: (0-369) 227-94-30, 227-91-47 мурожаат қилиш мумкин.

Танлов ҳужжатлари битта тўпламининг нархи — 140 000 сўм.

Тақдирлар (оферталар) савдо ташкилотчиси томонидан юқоридаги манзилда қабул қилинади.

Тақдирлар (оферталар) ни савдо ташкилотчисига тақдим этишнинг охириги муддати — оферталар очилиш кўни ва соати.

Тақдирлар матбуотда эълон чоп этилгандан бошлаб ўттиз кундан кейин қуйидаги манзилда очилади: Наманган шаҳри, Алишер Навоий кўчаси, 22-уй.

AVTOSALON

«SARDOR AVTO INVEST»

ZAZ Forza
Дв.: 109 л.с.
Бензин / газ

Нива бизнес-пикап, 4X4
Дв.: 80,92 л.с. - Бензин / газ

Манзил: Тошкент ш., Усмон Носир кўчаси, 113-уй.
Мўлжал: Жанубий вокзал.
Телефонлар: (+998 71) 215-09-11, (+998 90) 174-26-36.
www.sardor-avto.uz

Махсулотлар сертификатланган
Хизматлар лицензияланган.

MUASSIS:
Bosh muharrir: Safar OSTONOV
Tahrir hay'ati:
Abdulla Oripov
Hotamjon Ketmonov
Ulug'bek Vafayev
Rustam Kamilov
Ulug'bek
Mustafayev
Muslihidin
Muhiddinov
Ochilboy Ramatov
Saidahmad Rahimov
Farrux Hamroyev
Tat'yana Kistanova
(Bosh muharrir birinchi o'rinbosari)
(Bosh muharrir o'rinbosari)

Qabulxona — 233-65-45
Xatlar va murojaatlar uchun — 233-12-56
E-mail: info@uzbekistonovozi.uz
MANZILIMIZ:
100000, Toshkent,
Matbuotchilar
ko'chasi, 32-uy.
Gazeta O'zbekiston Matbuot va axborot
agentligida 0006-raqam bilan
2007-yil 11-yanvarda ro'yxatga olingan.
«Sharq» nashriyot-matbaa aksiyadorlik kompaniyasi boshmaxonasida chop etildi.
Korxona manzili: Buyuk-Turon ko'chasi, 41-uy.
Gazeta ofset usulida, A-2 formatida bosildi, Hajmi — 2 bosma taboq.

Gazeta seshanba, payshanba va
shanba kunlari chiqadi.
«O'zbekiston ovozi» materiallarini
ko'chirib bosish faqat tahririyat
ruxsati bilan amalga oshiriladi.
Г — 359
17570
nuxxada
bosildi.
Nashr ko'rsatkichi — 220
t — Tijorat materiallari
O'za yakuni — 20.50
Topshirilgan vaqti — 01.00
Sotuvda kelishilgan narxda

Navbatchi:
Mirbaxtiyor MIRFAZIYEV
Sahifalovchi-dasturchilar:
Zafar BAKIROV
Behzod ABDUNAZAROV
ISSN 2010-7433
1 2 3 5 6